

Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)” koje implementira PIU FBiH

Broj: 04-36-1-2053 - 2243/13
Sarajevo, 18.02.2026. godine

Na osnovu člana 64. stav (1), tačka b), člana 70. stav (3) i (6) Zakona o javnim nabavkama („Službeni glasnik BiH” broj: 39/14, 59/22 i 50/24), a na Preporuke Komisije za javnu nabavku broj: 04-36-1-2053-2236/13 od 02.02.2026. godine, u Otvorenom postupku javne nabavke roba- Nabavka Profesionalne kuhinje sa opremom za potrebe opremanja JU Doma za stara i iznemogla lica Grad Goražde, u okviru Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)“, 43/25 CEB II Pod-projekati 104 FUR, provedenog na osnovu Obavještenja objavljenog na Portalu javnih nabavki pod brojem: 668-1-1-136-3-72/25 od 25.12.2025. godine, Ispravak Obavještenja objavljenog na Portalu javnih nabavki pod brojem: 668-1-1-136-8-1/26 od 09.01.2026. godine Ugovorni organ **d o n o s i :**

O D L U K U
O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javnu nabavku broj: 04-36-1-2053-2236/13 od 02.02.2026. godine, da se u cilju odabira najpovoljnijeg ponuđača po provedenom Otvorenom postupku javne nabavke- Nabavka Profesionalne kuhinje sa opremom za potrebe opremanja JU Doma za stara i iznemogla lica Grad Goražde u okviru Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja - LD 1789 (2013)“, pod-projekat 104 FUR, Ugovor za javnu nabavku roba dodijeli ponuđaču ARTIKA d.o.o. Sarajevo, sa registrovanim sjedištem u ul. Muhameda Ef. Pandže do br. 4 d, 71000 Sarajevo, ID: 4200258910005, sa najbolje ocijenjenom i prihvatljivom Ponudom broj: 02/26 od 08.01.2026. godine, za ponuđenu cijenu od **155.457,90 KM sa PDV-om.**

Član 2.

Prijedlog Ugovora o nabavci dostavit će se na potpis izabranom ponuđaču, nakon isteka roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14, 59/22 i 50/24), iz Priloga 4.

tenderske dokumentacije, člana 47. stav (1) tačke a) i c) Zakona o javnim nabavkama („Službeni glasnik BiH“, broj: 39/14, 59/22 i 50/24), iz Priloga 5. tenderske dokumentacije i člana 49. stav (1) tačka a) do f) Zakona o javnim nabavkama („Službeni glasnik BiH“, broj: 39/14, 59/22 i 50/24) iz Priloga 6. tenderske dokumentacije u roku od 5 kalendarskih dana. Rok od 5 dana teče od perioda dobijanja ili preuzimanja Odluke o izboru najpovoljnijeg ponuđača.

Član 4.

Ova Odluka objavit će se na web-stranici Ugovornog organa (www.fmroi.gov.ba) istovremeno s upućivanjem primjeraka Odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“ broj:39/14, 59/22 i 50/24).

Član 5.

Ova Odluka stupa na snagu danom donošenja.

O b r a z l o ž e n j e

Nabavka Profesionalne kuhinje sa opremom za potrebe opremanja JU Doma za stara i iznemogla lica Grad Goražde, u okviru Projekta CEB II “Zatvaranje kolektivnih centara i alternativnih smještaja pružanjem javnih stambenih rješenja” - pod-projekat 104 FUR, koji implementira PIU FBiH, pokrenuta je Odlukom o pokretanju postupka javne nabavke, broj: 04-36-1-2053-2214/13 od 22.12.2025. godine.

U postupku prethodne provjere i ispitivanja tržišta za potrebe Federalnog ministarstva raseljenih osoba i izbjeglica, a u vezi sa implementacijom Projekta CEB II „Zatvaranje kolektivnih centara i alternativnih smještaja pružanjem javnih stambenih rješenja“, putem e-maila, dana 20.11.2025. godine poslan je upit o cijenama za nabavku Profesionalne kuhinje sa opremom (obrazac za cijenu ponude) na adresu potencijalnih ponuđača: Gastro-tehnika d.o.o, Alpeks d.o.o, Alprom d.o.o, Aco d.o.o, Eurotim d.o.o. i Goromanj d.o.o..

Svoj odgovor sa ponuđenom cijenom u predviđenom roku dostavili su Gastro-tehnika d.o.o. i Alpeks d.o.o..

Procijenjena vrijednost javne nabavke za je 132.903,00 KM bez PDV-a.

Javna nabavka je planirana u Planu javnih nabavki za 2025. godinu, redni broj: Robe 43/25-CEB II Pod-projekat 104 FUR, JRNR: 39220000-0, a koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH“ broj: 39/14, 59/22 i 50/24). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH“, broj: 39/14, 59/22 i 50/24).

Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-1-136-3-72/25 je objavljeno na Portalu javnih nabavki (www.ejn.gov.ba) dana 25.12.2025. godine, ispravak Obavještenja o nabavci broj: 668-1-1-136-8-1/26 objavljen je na Portalu javnih nabavki (www.ejn.gov.ba) dana 09.01.2026. godine. Sažetak obavještenja o nabavci je objavljen u „Službenom glasniku BiH“ broj 1, str. 115 od 09.01.2026. godine, sažetak ispravka Obavještenja o nabavci objavljen je u „Službenom glasniku BiH“ broj 3, str. 165 od 16.01.2026. godine.

Komisija za javnu nabavku imenovana je Rješenjem Ugovornog organa, broj: 04-36-1-2053-2214-1/13 od 22.12.2025. godine. Komisija za javnu nabavku dostavila je Zapisnik o pregledu i ocjeni ponuda broj: 04-36-1-2053-2235/13 od 02.02.2026. godine, odgovornoj osobi Ugovornog organa.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

RB	Broj protokola	Naziv i sjedište ponuđača	Koverta ispravno zatvorena (zapečaćena ili potpisana) (da/ne)	Ukupna cijena ponude u KM (bez PDV-a)	Popust na cijenu ponude u KM (bez PDV-a)	Ukupna cijena ponude sa popustom u KM (bez PDV-a)
1.	04-36-1-2053-2230/13	DOO „DERBY TRADE“ BRČKO	Da	132.900,00 KM	0,00 KM	132.900,00 KM
2.	04-36-1-2053-2231/13	ARTIKA d.o.o. Sarajevo	Da	132.870,00 KM	0,00 KM	132.870,00 KM

Konstatovano je:

- da su ukupno dostavljene 2 (dvije) ponude,
- da su blagovremeno zaprimljene 2 (dvije) ponude,
- da nije bilo neblagovremeno zaprimljenih ponuda i
- da dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove.

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, saržaj i potpunost ponude, ustanovljeno je da ponuda ponuđača DOO „DERBY TRADE“ BRČKO ne ispunjava tehničke uslove date u tenderskoj dokumentaciji, te da ista nije bila predmet dalje analize i vrednovanja iz razloga kako slijedi:

Tačkom 19.2. Tenderske dokumentacije propisano je slijedeće:

„Da bi učestvovali u postupku javne nabavke Ponuđači su obavezni u originalu dostaviti garanciju za ozbiljnost ponude (u daljem tekstu: garancija za ponudu).

Iznos tražene garancije za ponudu je: je 1.993,55 KM (slovima: jednihiljadadevetstotinadevesettri i 55/100 KM), sa rokom važnosti 120 (stotinudvadeset) dana računajući od krajnjeg roka za dostavu ponuda.

Garancija za ponudu se mora dostaviti zajedno sa ponudom. Ukoliko Ponuđač uz ponudu ne dostavi garanciju za ponudu, ponuda će biti odbačena.

Garancija za ponudu mora biti u obliku безусловne bankarske garancije.

Garancije se dostavljaju u originalu, u zatvorenoj plastičnoj foliji (koja se na vrhu zatvori naljepnicom na kojoj je stavljen pečat ponuđača i/ili se otvor na foliji zatvori jamstvenikom) i uvezana u cjelinu čini sastavni dio ponude.

Garancija za ponudu se dostavlja u originalu i formi безусловne bankarske garancije date u formi obrasca u Aneksu 14 tenderske dokumentacije, a ista je propisana Pravilnikom o formi garancije za ozbiljnost ponude i izvršenja ugovora („Službeni glasnik BiH“ broj 90/14).

Ukoliko Ponuđač ne dostavi garanciju za ponudu u originalu, traženoj formi i sadržaju, ponuda će biti odbačena. Okolnosti pod kojima se iznos garancije za ponudu vraća ili zadržava su utvrđeni u podzakonskim aktima”

Uvidom u ponudu ponuđača DOO „DERBY TRADE“ Brčko, Komisija za javnu nabavku je utvrdila da je ponuđač dostavio Garanciju za ozbiljnost ponude broj: 46708 od 19.01.2026. godine, izdatu od strane Sparkasse Bank d.d., u iznosu od 28.482,00 KM. Međutim, navedena garancija se ne odnosi na predmetnu nabavku, već isključivo na nabavku bolničkih kreveta i prateće opreme za LOT 1, 4 i 5, što je jasno naznačeno u samom tekstu garancije.

S obzirom na to da se predmetna javna nabavka odnosi na nabavku Profesionalne kuhinje sa opremom za potrebe opremanja JU Doma za stara i iznemogla lica Grad Goražde, te da je za isti predmet Tenderskom dokumentacijom propisana garancija za ozbiljnost ponude u iznosu od 1.993,55 KM, Komisija je utvrdila da dostavljena bankarska garancija ne ispunjava osnovni uslov namjene, te se ne može smatrati važećom garancijom za ovu javnu nabavku.

Komisija posebno ističe da bankarska garancija mora biti izdana isključivo za konkretan predmet nabavke, u tačno propisanom iznosu i sa jasno naznačenim korisnikom i svrhom, te da garancija koja se odnosi na drugi postupak javne nabavke, bez obzira na veći iznos, ne može biti prihvaćena kao valjana.

Imajući u vidu navedeno, Komisija je utvrdila da ponuđač DOO „DERBY TRADE“ Brčko nije ispunio uslove iz tačke 19.2. Tenderske dokumentacije, te da nije dostavio garanciju za ozbiljnost ponude u traženoj formi, sadržaju i sa odgovarajućom namjenom.

Shodno navedenom, a u skladu sa članom 68. stav (4) tačka b) Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), ponuda ponuđača DOO „DERBY TRADE“ Brčko je odbačena kao neprihvatljiva.

- U tabeli br. 2 dat je pregled i izvršeno je rangiranje prihvatljivih ponuda prema kriterijumu za izbor ponude „najniža cijena“ kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ukupna cijena nakon računске provjere (sa popustom i bez PDV-a)
1.	ARTIKA d.o.o. Sarajevo	132.870,00 KM	0,00 KM	132.870,00 KM

U predmetnom postupku predviđeno je i provođenje e-aukcije. Obzirom da je od dvije zaprimljene ponude samo jedna prihvatljiva ponuda u okviru predmetnog postupka, e-aukcija se nije provodila, kako je to i predviđeno članom 4. stav (2) Pravilnika o uslovima i načinu korištenja e-aukcije (Službeni glasnik BiH, broj 80/23).

Nakon izvršene ocjene ponuda, Komisija za javnu nabavku je uz Zapisnik o pregledu i ocjeni ponuda, broj: 04-36-1-2053-2235/13 od 02.02.2026. godine, dala svoju Preporuku za prihvatanje ponude i donošenje odluke o izboru najpovoljnijeg ponuđača broj: 04-36-1-2053-2236/13 od 02.02.2026. godine, za dodjelu Ugovora prvoplasiranom ponuđaču na rang listi **ARTIKA d.o.o. Sarajevo**.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH” broj:39/14, 59/22 i 50/24) i kriterijima iz tenderske dokumentacije.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH” broj: 39/14, 59/22 i 50/24), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a